

Powšitkowne WOZJEWJENJA

njedźelu, 8. decembra 2024

Koncert w klóštrje

Drježdžanski komorny chór Ad libitum wuhotuje tutu njedźelu, 8. decembra, w 16.30 hodź. pod heslom „Adwent“ hudźbny koncert w cyrkwi klóštra Marijineje hwězdy w Pančicach-Kukowje. Wšitcy su wutrobnje přeprošeni.

Adwentnička dekanatneje młodžiny

Lětuša adwentnička dekanatneje młodžiny je tutu njedźelu, 8. decembra, w Njebjelčicach. Nyšpor w 14.00 hodź. wobruhi 1. serbska kulturna brigada. Přizamknje so zhromadnu swačina z hrami a paslenjom na farje.

Wustajeńca w Baćonju

Wustajeńca wo eucharistiskich dźiwach, kotraž běše zbóžny Carlo Acutis zestaja, je wot tuteje njedźele, 8. decembra, w Baćońskej cyrkwi stać. Dotal je wona w Njebjelčicach.

1. serbska kulturna brigada koncertuje

Chór 1. serbskeje kulturneje brigady kaž tež dorostowy chór Serbskeho gymnazija přeprašujetej wšitkich zajimcow na swój tradicionelny adwentny koncert. Tón budže sobotu, 14. hodownika, w 17.00 hodź. w Budyskej Marje-Marćinej cyrkwi. Zaklinča serbske a mjezynarodne adwentne twórby we wotměnje ze solistiskimi přinoškami brigadnikow. Dorostowy chór diriguje Judith Škodžina, cyłkowny wumělski nawod změje Judith Kubicec. Zastup budže darmotny, proša pak na kóncu wo dar.

Pišćelowy koncert w Chróšćicach

Na pišćelowy koncert z cyrkwinskohudźbnym direktorom Friedemannom Böhme su wšitcy zajimcy do Chróšćanskeje wosadneje cyrkwy přeprašeni. Tón budže třecu adwentnu njedźelu, 15. decembra. Započatk je w 17.00 hodź. Zastup je zadarmo, kolekta budže za ponowjenje pišćelow.

Adwentny koncert w Oseku

3. adwentny koncert Českeje telewizije wotměje so třecu adwentnu njedźelu, 15. decembra, w 17.30 hodź. w klóšterskej cyrkwi Marije donjebjeswzaća w sewjeročeskim Oseku. Zastup je darmotny, při wšěm pak měli zajimcy zastupne lisćiki rezerwować. Koncert přenjesu tohorunja jako livestream. Nadrobniše informacije kaž tež link su pod www.posol.de podate.

Na přednošk wo měrowym projekće

Poslednje lětuše zarjadowanje we wobłuku 13. kulturneje zymy w putniskej hospodze Moniki Gerdesoweje w Chróšćicach budže sobotu, 14. decembra. Ulrike Flämig z Berlina porěči k temje „Spjećujemy so nje přećeljo być – Tent of Nations – měrowy projekt z Betlehema“. Tent of Nations rěka stan narodow. Započatk je w 19.45 hodź. Hižo w 16.00 hodź. poskičuje hosćielka serbske džěćace kino. Wšitcy zajimcy su wutrobnje přeprašeni.

Adwentne wiki w klóštrje

Na adwentne wiki su wopytwarjo sobotu, 14. decembra, wot 10.00 do 18.00 hodź. do klóštra Marijineje hwězdy prošeni. Mjez druhim poskića hodowne štomy, Ochranowske hwězdy a swójske wudžětki kaž wšelake likery, sele a wolije, kotrež klóšterske sotry same zhotowjeja.

Kreatiwna džěłarnička

Dekanatne dušepastyrstwo za džěci přeprošuje šulerki a šulerjow 6. do 8. lětnika do Don Boskoweho domu we Worklecach na kreatiwnu džěłarničku, kotraž budže sobotu 14. decembra. Wobdžělic móža so pak dopołodnja wot 9.00 do 12.00 hodź. abo popołodnju wot 13.00 do 15.00 hodź. Přizjewjenja přijimuju online hač do pónđzele, 9. decembra. Ličba městnow je wobmjezowana. Swójski přinošk wučinja pjeć eurow na wobdžělnika.

Kubłanski dzeń młodych dorosćenych

Dekanatne dušepastyrstwo za młodžinu přeprošuje młodych dorosćenych na kubłanski dzeń z kapłanom Florianom Mrózom. Tón budže njeđzelu, 29. decembra, wot 10.00 do 18.00 hodź. Přizjewjenje dekanatne dušepastyrstwo online hač do njeđzele, 8. decembra. Link je pod www.posol.de podaty.

Dalše předstajenja krucha „Smy! – Bin ich?“

Serbski ludowy ansambl (SLA) předstaja swój rejoyanski kruch „Smy! – Bin ich?“, zaběracy so z identitu, sobotu, 14. decembra, w 19.30 hodź. kaž tež njeđzelu, 15. decembra, w 17.00 hodź. na swojej žurli. Wustajeńcu, kotruž stej Hella Stoleccyc a Karoline Krawcec k tomu zestajiloj, móža sej zajimcy hišće hač do pjatka, 31. januara, stajnje wutoru a srjedu wot 14.00 do 17.00 hodź. w SLA wobhladać.

Pytaja kubłarja abo socialneho pedagogu

Katolski džěćacy dom w Budyšinje, kotryž je w nošerstwje Budyskeje tachantskeje wosady swjateho Pětra, pyta tak spěšnje kaž móžno kubłarja abo socialneho pedagogu. Wuměnjenje mjez druhim je, zo identifikuje so wosoba z pedagogiku Marije Montessori a křescanskej wučbu. Požadanja přijimuje nawodnica Wórša Burkhardtowa pod adresu Tzschirnerowa 5, 02625 Budyšin, abo z mejlku na kinderhaus@montessori-bautzen.de. Wobšěrne wupisanje městna je pod www.posol.de. wozjewjene.

Na adwentny koncert

Pod hudźbnym nawodom Kathariny Dickopf wuhotuje orchester Budyskeho Serbskeho ludoweho ansambla (SLA) njeđzelu, 22. decembra, w 17.00 hodź. adwentny koncert w Radworskim hosćencu „Meja“. Zaklinča měrne a do adwenta hodžace so orchestrowe twórby serbskeju komponistow Helmuta Fryče a Jana Rawpa kaž tež smyčkowa serenada E-dur op. 22 Antonína Dvořáka a suite „Nußknacker“ op. 71 Pjotra Čajkowskeho. Zastupne lisćiku dóstanu zajimcy online abo při kasy SLA. Link je pod www.posol.de podaty.

Mandželskej seminaraj

Seminaraj k přihotej na sakrament mandželstwa wotmějetej so klětu stajnje pjatk a sobotu, 7. a 8. februara kaž tež 28. a 29. nowembra, w Smochčanskim kubłanišću swjateho Bena. Přizjewjenja přijimuje dekanatne dušepastyrstwo młodžiny we Worklecach hač do srjedy, 8. januara, online. Link je pod www.posol.de podaty.

Kniha k lunetam w Hejnicach wušla

Žiwjenju swjateho Franca Assisiskeho, předstajenemu na scěnach křižneje chódby něhdyšeho klóštra a nětčišeho Kubłanskeho, konferencneho a putniskeho centrum w sewjeročeskich Hejnicach, wěnujetaj so awtoraj dr. Milan Svoboda a profesor dr. Jan Royt w nowej publikaciji „SANCTE FRANCISCE ORA PRO NOBIS – Život světce na lunetách hejnického kláštera / Das Leben des Heiligen in den Lünetten des Haindorfer Klosters“. 200 stron wopřijacu česko-němsku publikaciju z pisanymi wobrazami je Kubłanski, konferency a putniski centrum – Hejničanski klóšter lětsa wudał, kotrehož rektor dr. Jan Heinzl ju redigowaše. W redakciji Katolskeho Posoła někotre eksemplary předleža, hdžež móža sej zajimcy knihu za 16,00 eurow kupić.

Wustajeńca wo Božich narodkach zaso přistupna

W putniskej hospodže w Hirschfeldže su hač do swjedženja Předstajenja Knjeza, pjatk, 2. februara, zaso Bože narodki wustajene. Wustajeńca Božich narodkow je jeničce z wodženjom přistupna. Tajke poskićuja kóždy sobotu w 14.00 hodž. Snadnjeje wulkosće domu dla měli so zajimcy na kóždy pad přizjewić. Ličba wobdźělnikow za jedne wodženje je na dwanaće wosobow wobmjezowana. Ale tež wosebite wodženja za skupiny z minimalnje sydom wosobami su móžne. Zajimcy měli so telefonisce ze Jeannette Gosteli dojednać, a to z mejlku na info@pilgerhaeusl.de abo telefonisce pod čisłom (01 75) 4 08 59 97. Link k nadrobnišim informacijam kaž tež termíny wodženjow su pod www.posol.de podate.

Wukubłanje JULEICA darmotny

Worklečanske młodžinske dušepastyrstwo přewjedže klětu zaso za zajimcow kurs JULEICA. Wukubłanje wobsteji z dweju dželow a wotměje so stajnje wot pjatka do njedzele, 4. do 6. apryla, kaž tež wot 25. do 27. apryla, w Smochčanskim kubłanišću swjateho Bena, tam z přenocowanjom. Kompletne wukubłanje je darmotne. Zajimcy měli so nimo toho na kursu přenjeje pomocy wobdźělić. Tón budže sobotu, 15. měrca, we Worklečanskim Don Boskowym domje. Kaž dekanatene dušepastyrstwo zdžěli, je wón za wšěch wobdźělnikow zawjazowacy. Kurs přenjeje pomocy z druhich městnow njemóža wotnětka hižo přiličić. Přizjewjenja přijimuju online. Link je pod www.posol.de podaty.

Zwukowa instalacija znowa přistupna

Spirituelnu zwukowu instalaciju wo psalmje 23 móža wopytwarjo po léce 2021 znowa w Rakečanskej ewangelskej cyrkwi dožiwić. Wona je hač do njedzele, 2. februara, přistupna. Psalm wo dobrym pastyrju předstajeja w modernym wobdźěłanju a ze swětłowymi efektami. Wopytwarjo smědža so, na hudźbu słuchajo, po cyrkwi pohibować. Boži dom je wšědnje wot 9.00 do 20.00 hodž. přistupny.